

卷四十七

書名 唐詩品彙九十卷拾遺十卷 嘉靖十六年序刊本
 撰者 明 高棟 輯
 卷 卷四十七
 內容分類 集-總集-各代-唐
 索書號 集部-總集-35
 編號 D7841100

彩色首頁1

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本全文影像資料庫 索書號: 集部-總集-35](#)

[漢籍善本全文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首

日雙闕昏迴輿九重暮長煙散初暈皎月澄輕素
 晁說琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪
 蕭來儀玄鶴紛成列去茲鄭衛聲雅音方可悅

三

新寧高棟編

蒲桃美酒夜光杯。欲飲琵琶馬上催。醉卧沙場君莫笑。古來征戰幾人回。

秦中花鳥已應闌。塞外風沙猶自寒。夜聽胡笳折楊柳。教人氣盡憶長安。

玄宗皇帝一首

過大哥山池

澄潭皎鏡石崔嵬。萬壑千岩暗綠苔。林亭自有幽真趣。况復秋深爽氣來。

唐詩品彙卷之四十六

唐詩品彙四十七卷

正宗

李白

首二十九

清平調詞二首

雲想衣裳花想容。春風拂檻露華濃。若非群玉山頭見。會向瑤臺月下逢。

一枝濃艷露凝香。雲雨巫山枉斷腸。借問漢宮誰得似。可憐飛燕倚新粧。

名花傾國兩相歡。長得君王帶笑看。解釋春風無限恨。沉香亭北倚闌干。

長門怨二首

唐詩品彙卷之四十六

天迴北斗挂西樓。金屋無人螢火流。月光欲到長門殿，別作深宮一段愁。

桂殿長愁不記春。黃金四屋起秋塵。夜懸明鏡青天，上獨照長門宮裡人。

少年行

五陵年少金市東。銀鞍白馬度春風。落花踏盡遊何處，笑入胡姬酒肆中。
劉云語氣凌厲快活慶亦難忘

橫江詞

橫江館前津吏迎。向余東指海雲生。即今欲渡緣何事，如此風波不可行。
范德機云絕句一句一絕乃其本體其次句少意多極四句而

反覆議論此篇氣格合歌行之風使人嗟咏有無窮之思此唐人所長也諸家詩非不佳然視李杜

氣格首調特異熟讀當見

客中行

蘭陵美酒鬱金香。玉壺盛來琥珀光。但使主人能醉客，不知何處是他鄉。

蛾眉山月歌

蛾眉山月半輪秋。影入平羌江水流。夜發清溪何三峽，思君不見下渝州。
劉須溪云含情悽婉有竹枝縹眇之音

末王東巡歌五首

末王正月東出師。天子遙分龍虎旗。樓船一舉風波靜，江漢翻為鴈鷺池。

三川北虜亂如麻。四海南奔似末嘉。但用東山謝安

石為君談笑靜胡沙
丹陽北固是吳闕盡出樓臺雲水間
十岩烽火連滄海
兩岬旌旗繞碧山
帝寵賢王入楚閔掃清江漢始應還
初從雲夢開朱
郟更取金陵作小山
試借君王玉馬鞭指揮戎虜坐瓊筵
南風一掃胡塵
靜西入長安到日邊

上皇西巡南京歌四首

誰道君王行路難六龍西幸萬人歡
地轉錦江城渭水天迴玉壘作長安

萬國同風共一時錦江何謝曲江池
石鏡更明天上

月後宮親得照蛾眉

華陽春樹號新豐行入新都若舊宮
柳色未饒秦地綠花光不減上陽紅

劍閣重關蜀北門上皇歸馬若雲屯
少帝長安關紫極鸞懸日月照乾坤

巴陵贈賈舍人

賈生西望憶京華湘浦南遷莫怨嗟
聖主恩深漢文帝憐君不遣到長沙

贈汪倫

李白乘舟將欲行忽聞岸上踏歌聲
桃花潭水深千尺不及汪倫送我情

范云此非必其詩之佳要見古人風致如此

聞王昌齡左遷龍標尉逢有此寄

楊花落盡子規啼聞道龍標過五溪我寄愁心與明月隨風直到夜郎西

黃鶴樓送孟浩然之廣陵

故人西辭黃鶴樓烟花三月下揚州孤帆遠影碧空盡唯見長江天際流

山中問答

問余何事棲碧山笑而不答心自閑桃花流水杳然去別有天地非人間

東魯門泛舟

日落沙明天倒開波搖石動水縈迴輕舟泛月尋溪

轉疑是山陰雪後來

陪族叔刑部侍郎曄及中書舍人賈至遊

洞庭湖

洞庭西望楚江分水盡南天不見雲日落長沙秋色遠不知何處吊湘君劉云其所長在此他人必不能及也

南湖秋水夜無烟耐可乘流直上天且就洞庭賒月色將船買酒白雲邊

洞庭湖西秋月輝瀟湘江北早鴻飛醉客滿船歌白

紵不知霜露濕秋衣劉云自是悲性

望廬山瀑布水安

日照香爐生紫烟遙看瀑布挂前川飛流直下三千

尺疑是銀河落半天

俗耳

登廬山五老

廬山東南五老峯青天

自北

芙蓉九江秀色可攬

結吾將此地巢雲松

北

望天門山

天門中斷楚江開碧水東流至

出孤帆一片日邊來

早發白帝城

朝辭白帝彩雲間千里江陵一日還

輕舟已過萬重山

秋下荆門

霜落荆門江樹空布帆無恙挂秋風

鱸魚自愛名山入剡中

蘇臺覽古

舊苑荒臺楊柳新菱歌清唱不勝春

只今惟有西江月曾照吳王宮裏人

越中覽古

越王勾踐破吳歸義士還家盡錦衣

宮女如花滿春殿只今唯有鷓鴣飛

與史郎中欽聽黃鶴樓上吹笛

一為遷客去長沙西望長安不見家

黃鶴樓中吹玉笛江城五月落梅花



春夜洛城聞笛

誰家玉笛暗飛聲，散入春風滿洛城。
此夜曲中聞折柳，何人不起故園情。

陌上贈美人

駿馬驕行踏落花，垂鞭直拂五雲車。
美人一笑褰珠箔，遙指紅樓是妾家。

口號呈王美人半醉

風動荷花水殿香，姑蘓臺上見吳王。
西施醉舞嬌無力，笑倚東牕白玉牀。

南流夜郎寄內

夜郎天外怨離居，明月樓中音信疎。
北鴈春歸看欲盡，南來不得豫童書。

畫南來不得豫童書

王昌齡四首

春宮曲

昨夜風開露井桃，未央前殿月輪高。
平陽歌舞新承寵，簾外春寒賜錦袍。

西宮春怨

西宮夜靜百花香，欲捲珠簾春恨長。
斜抱雲和深見月，朦朧樹色隱昭陽。

西宮秋怨

芙蓉不及美人粧，水殿風來珠翠香。
却恨含情掩秋扇，空懸明月待君王。



長信秋詞三首

金井梧桐秋葉黃，珠簾不捲夜來霜。熏籠玉枕無顏色，卧聽南宮清漏長。

奉帚平明金殿開，且將團扇暫徘徊。玉顏不及寒鴉色，猶帶昭陽日影來。

真成簿命父尋思，夢見君王覺後疑。火照西宮知夜飲，分明復道奉恩時。

白馬金鞍從武皇，旌旗十萬宿長楊。樓頭小婦鳴箏坐，遙見飛塵入建章。

馳道楊花滿御溝，紅粧漫結上青樓。金章紫綬千餘

青樓曲二首

香幙風動花入樓，高調鳴箏緩夜愁。腸斷關山不解說，依依殘月下簾鉤。

青樓怨

閨怨

閨中少婦不知愁，春日凝粧上翠樓。忽見陌頭楊柳色，悔教夫婿覓封侯。

則憂草木之榮華，禽虫之知樂。皆能動人傷悲之心。此詩謂閨中少婦初不知愁，春日登樓見楊柳之青青，始知陽和發育萬物，昔春吾與良人徒有功名之望，今日空閨獨處，良人辛苦戎事，曾不如草木群生各得其樂，於是而悔望此功名也。

采蓮曲二首

采蓮曲二首

采蓮曲二首

采蓮曲二首

采蓮曲二首

采蓮曲二首

采蓮曲二首

采蓮曲二首

采蓮曲二首

荷葉羅裙一色裁，芙蓉向臉兩邊開。亂入池中看不見，聞歌始覺有人來。

吳姬越艷楚王姬，爭弄蓮花水濕衣。來時浦口花迎入，采罷江頭月送歸。

出塞行

白菴原頭望京師，黃河水流無盡時。秋天曠野行人絕，馬首東來知是誰。

從軍行五首

烽火城西百尺樓，黃昏獨坐海風秋。更吹羌笛關山月，無那金閨萬里愁。

琵琶起舞換新聲，總是關山離別情。撩亂邊愁聽不

高秋月照長城

青海長雲暗雪山，孤城遙望玉門關。黃沙百戰穿金

甲，不破樓蘭終不還。

秦時明月漢時關，萬里長征人未還。但使龍城飛將

在不教胡馬度陰山。

大漠風塵日色昏，紅旗半卷出轅門。前軍夜戰洮河

北，已報生擒吐谷渾。

甘泉歌

乘輿執玉已登壇，細草沾衣春殿寒。昨夜雲生拜初月，萬年甘露水晶盤。

蕭駙馬花燭

蕭駙馬花燭

青鸞飛入合歡宮，紫鳳御花出禁中。可憐今夜千門
裏，銀漢星回一道通。

觀獵

角鷹初下秋草稀，隄驄拋鞚去如飛。少年獵得平原
兔，馬上橫梢意氣歸。

梁苑

梁園秋竹古時烟，城外風悲欲暮天。萬乘旌旗何處
在，平臺賓客有誰憐。

李倉曹宅夜飲

霜天留飲故情歡，銀燭金爐夜不寒。欲問吳江別來
意，青山明月夢中看。

宴春源

源向春城花幾重，江明深翠引諸峰。與君醉失松溪
路，山館寥寥傳曉鐘。

龍標野宴

沅溪夏晚足涼風，春酒相携就竹叢。莫道絃歌愁遠
謫，青山明月不曾空。

寄穆侍御出幽州

一從恩譴度瀟湘，塞北江南萬里長。莫道薊門書信
少，鴈飛猶得到衡陽。

送柴侍御

沅水通流接武岡，送君不覺有離傷。青山一道同雲

雨明月何曾是兩鄉

送李五

玉盤金壘傾送君江西日入起黃雲扁舟乘月輶來
去誰道滄浪吳楚分

送人歸江夏

寒江綠水楚雲深莫道離憂遠心曉夕雙帆歸鄂
渚愁將孤月夢中尋

芙蓉樓送辛漸二首

寒雨連江夜入吳平明送客楚山孤洛陽親友如相
問一片冰心在玉壺

丹陽城南秋海陰丹陽城北楚雲深高樓送客不能

醉寂寂寒江明月心

送薛大赴安陸

津頭雲雨暗湘山遷客離憂楚地頻遙送扁舟安陸
郡天邊何處穆陵關

送別魏二

醉別江樓橘柚香江風引雨入船涼憶君遙在湘山
月愁聽清猿夢裏長

別辛漸

別館蕭條風雨寒扁舟月色渡江看酒酣不識關西
道却望春江雲尚殘

盧溪別人

武陵溪口駐扁舟
溪水隨君向北流
行到荆門上三峽
莫將孤月對猿愁

重別李評事

莫道秋江離別難
舟船明日是長安
吳姬緩舞留君醉
隨意青楓白露寒

別陶副使歸南海

南越歸人夢海樓
廣陵新月海亭秋
寶刀留贈長相憶
當取戈船萬戶侯

別李浦之京

故園今在灞陵西
江畔逢君醉不迷
小弟隣庄尚漁獵
一封書寄數行啼

題朱鍊師山房

叩齒焚香出世塵
齋壇鳴磬步虛人
百花仙醞能留客
一飯胡麻度幾春

送朱越

遠別舟中蔣山莫
君行舉首燕城路
薊門秋月隱黃雲
期向金陵醉江樹

送姚司法歸吳

吳掾留觴楚郡心
洞庭秋雨海門陰
但令意遠扁舟送
不道滄江百丈深

西江寄越翁

南浦逢君嶺外還
沅溪更遠洞庭山
堯時息澤如春

雨夢集相逢共入關

唐詩品彙卷之四十七



